

**Ezker aldera bagoaz,
ondo behar dugu jakin:
kultur iraultza ez daiteke egin
«kuxe» paperakin.**

Honenbestez aski duk. Euskararen premia? Danak!

Juan San Martín

**Joxe Azurmendiren puntualizazio hauekin, zuzendaritza honek
itxiztat ematen du polemika hau**

Ohartxo batzuk, erantzun legez:

1. Oker eta oso oker dabil San Martín garai bateko nire zalantzak (?) aipatzean edo oraingo nire informazio faltaren susmoetan. Bere susmoak beste oinarri gabe.

2. Arras lekuz kanpo ikusten ditut arazo honetan UZEIri, **Elhuyarri, Liburu Urdinari**, etab. egiten dizkien alusioak, modu horretan eginda batez ere.

3. Lekuz kanporago, kabitzen bada, tonoz guztia.

4. San Martín gehien mindu duena, ekonomi arazoa da nonbait. Sentitzen dut: hori ez da nire artikuluko arazoa.

5. Esan da nonbait, bai, baina ez nire artikuluan, Leioako Kongresuak hobe zuela, egin zuenaren orde, beste zerbait premiazkoagorik egitea: sin-taxi ikerketa, etab. Esaten dira nire artikuluan ere holakoak, baina sekula ez Leioakoaz.

6. Nire artikulua ez da izan «guk eratutako Jardunaldieri kritika egina», zenbait kritika egon eta gero planteamendu orokarrago bati begira baino. Han-hemen egondako kritikak niretzat ez dira neure gogoeten abiapuntua besterik izan. Hori erreparatu ez duenarentzat, bistan da, dena ilun egon behar.

7. Garbitasun gehiago, eman behar zen tokian emanda geratu da.